

中國方志叢書·華中地方·第三九二號

據

清·劉元熙修，李世芳纂
清嘉慶十七年刻本
民國二十一年重印本

影印

四川省

宜賓縣志

(二)

成文出版社有限公司印行

中華民國六十五年

月臺一版

宜賓縣志

全二冊

發行人：**黃成助**

出版者：**成文出版社有限公司**

台北市郵政信箱二二六〇五號

台北市羅斯福路三段二四〇巷五號

印刷者：**成文出版社有限公司**

內政部登記證內版台業字第一一四七號

宜賓縣志 卷四十八

藝文志上

宜賓縣

賦

苦筍賦

黃庭堅

棘道苦筍冠冕兩川甘脆愜當小苦而反成味溫潤縝密
多啖而不痛蓋苦而有味如忠諫之可活國多而不害如
舉士之得其賢是其鍾江山之秀氣故能深雨露而飽風
煙食肴以之啟迺酒客爲之流涎彼桂班之與蘆菹又安
得與之同年蜀人曰苦筍不可食食之動痼疾令人萎而

瘖予未嘗與之言蓋上士不談而喻中士進則若信退則
眩焉下士信耳不信口其頑不可鑄李太白曰但得酒中
趣勿爲醒者傳

詩

宴戎州楊使君東樓

杜甫

勝絕驚身老情忘發興奇座從歌妓密樂任主人爲重碧
拈春酒輕紅劈荔枝樓高欲愁思橫笛未休吹

荔枝

杜甫

憶過瀘戎摘荔枝青楓隱映石逶迤京中舊見君顏色紅
顚酸甜只自知

天池晚照

韋 臯

舟浮十里菱荷香歌發一聲山水綠春暖魚拋水面綸晚
晴鷺立波心玉扣船歸載月黃昏直至更深不假燭
廖致平送綠荔枝爲戎州第一王公權荔枝綠酒

亦爲戎州第一

黃庭堅

王公權家荔枝綠廖致平家綠荔枝試傾一杯重碧色快
剝千顆輕紅肌潑醅葡萄未足數堆盤馬乳不同時誰能
品此勝絕味惟有老杜東樓詩

次韻李任道晚飲鎖江亭

黃庭堅

西來雪浪如魚烹兩岸百葦乃可橫忽思鍾陵江十里白

蘋風起縠紋生酒杯未覺浮蟻滑茶鼎已作蒼蠅鳴歸時
共須落日盡亦嫌持盞僕屢更

再次韻兼簡履中南玉三首

黃庭堅

李侯詩律嚴且清諸生賡載筆縱橫句中稍覺道戰勝胸
次不使俗塵生山繞樓臺鐘鼓晚江觸石磯砮杵鳴鎖江
主人能致酒願渠久住終莫更

江津道人心源清不繫虛舟盡日橫道機禪院轉萬物文
彩風流被諸生與世浮沉惟酒可隨時憂樂以詩鳴江頭
一醉豈易得事如浮雲多變更

鎖江亭上一樽酒山自白雲江自橫李侯短褐有長處不

與俗物同條生經術貂蟬續狗尾文章瓦釜作雷鳴古來
寒士但守節夜夜抱關聽五更

味諫軒

黃庭堅

方懷味諫堂中果忽見金盤橄欖來想共餘甘有瓜葛苦
中眞味晚方回

金魚井

黃庭堅

姚子雪麴杯色爭玉得湯郁郁白雲生谷清而不薄厚而
不濁甘而不膩辛而不螫

寄翠巖禪師

黃庭堅

山谷青石牛自負萬鈞重八風吹得行處處是日用又將

十六日去作宜州夢苦憶新老人是我法梁棟作手研方
圓規矩一一中遙思靈源叟分座法席共聊持楚狂句往
作天女供領上早梅香參軍慚獨弄

過宜賓見夷牢亂山

嘉佑四年

蘇軾

江寒晴不知遠見山上日朦朧含高峯晃蕩射峭壁橫雲
忽飄散翠樹紛歷歷行人悵孤光飛鳥投遠碧蠻荒誰復
愛穠秀安可適豈無避世士高隱鍊精魄誰能從之遊路
有豺虎跡

夜泊牛口

蘇軾

日落江霧生繫舟宿牛口民居偶相聚三四依古柳負薪

出深谷見客喜且售煮蔬爲夜餐安識肉與酒朔風吹郭
屋破壁見星斗兒女自咿嚶亦足樂且久人生本無事苦
爲世味誘富貴耀吾前貧賤獨難守誰知深山子甘與麋
鹿友置身落蠻荒生意不自陋今予獨何者汲汲強奔走
牛口見月

時嘉祐元年始舉
進士至京師作

蘇軾

掩窗寂已睡月垂孤光披衣起周覽飛露灑我裳山川同
一色浩若涉大荒幽懷耿不寐四顧獨徬徨忽憶甲申年
京邑大雨霧蔡河中夜決橫浸國南方車馬無復見紛紛
操箴郎新秋忽已晴九陌尚汪洋龍津觀夜市燈火亦輝
煌新月皎如晝疎星弄寒芒不知京國喧謂是江湖鄉今

來牛口渚見月重淒涼却思舊遊處滿陌沙塵黃

戎州

蘇軾

亂山圍古郡市易帶羣蠻廛嶺春耕少孤城夜漏閒往時
邊有警征馬去無還自頃方從化年出亦款關頗能貪漢
布但未脫金環何足爭強弱吾民盡玉顏

宣化道中

范成大

瘦草蕭疎已似秋盤陀山谷水東流兩崖若不頑如鐵爭
得狂瀾拍岸休

七夕至敘州登鎖江亭山谷謫居時屢登此亭有詩四篇

敬和其韻

范成大

水口故城邱壘平新亭乃有迴鐵橫

舊戎州在對江山趾下臨馬湖蠻江路蠻自江出必

過城下收直以爲限今遷過江已失形勝而猶於亭下鎖江特以欄稅而已非本旨也

歸艫擊汰若飛渡一雨

輒明秋漲生東樓鎖江兩重客筆墨當代俱詩名我來但

醉吞碧酒星橋脉脉向三更

郡輿舊名重碧取杜子美東樓詩重碧拈春酒之句余更其名春碧語意更勝

題無等院

在南門外魯直以元符間作橋寮死灰庵

陸游

文章何罪觸雷霆風雨南溪自醉醒八十年間遺老盡壞

堂無壁草青青

牡丹

程公許

敘州人

春工殫巧萬花叢曉見昭儀擅漢宮可惜芳時天不借三

更雨歇五更風

見金芳備祖

西樓

劉翼之

西樓何似古東樓但覺今州勝舊州山色不藏興廢迹江聲空載古今愁

早春同郡伯劉三樂郡丞李廷謙別駕周時烈登元武山

作

石刻在山頂
無量殿前

明萬歷
庚子

顧汝學 虎林

元武山從郡北開喜逢淑氣自東來烟光縹緲峯頭見霽

色紛披江上回漢將忠存懸日月

山有闕
帝廟

文昌星燦映樓

臺

山有三峯中一峯爲二
臺書院內建文昌祠

行春自是宜公等時借登臨一舉杯

遊流杯池

潘鑑

洞自巨靈闢名因太史傳曲流分石脉斷壁鎖寒烟山水

見真性行藏卜晚年我車三入蜀低首愧江邊

前題

謝瑜

鬼斧闢雲根靈泉繞砌輪流觴人不見看壁倒斜暈夜雨
長秋水新題減舊文悠哉黃太史邱壑意猶存

乙卯夏日 峰招飲曲池

姜子羔 餘姚人

使君有佳興邀我流盃池流水既無盡杯來安可辭青天
峰頂落白日坐間移何處風流傳惟稱東晉時

癸丑春同人遊流盃池

涂瑜 黃岡人

聯轡來幽境高風企昔賢雄文驚百代佳蹟重南川借景
亭非遠流觴水自旋撫時傷往事惆悵夕陽邊

借景亭舊在青神縣

又次壁間韻

涂瑜

江鎖涪翁洞風流特地傳入溪穿落水過寺起寒烟剝蘚
尋岩墨逢樵問宦年飛來星作石槎泛斗牛邊
雙壁突孤根泉分九曲輪潺湲常帶雨迴合易過曠寂寞
玉堂夢依稀石鼓文懷賢誰有賦江籟獨長存

前題次韻

趙遠

宦跡原無定詩名信有傳山深牛喘月雨霽鶴翻烟吏隱
猶逃世霞餐不記年羲皇傷古道蕉鹿老江邊
壞瑋植天根韶華似轉輪雙旌風動色數盞日將曛採藥
吾生事雕龍孰善文浮名遺古石奇節至今存

涪翁亭

龍山戴望

昔賢遊息地近步費登躋高下田依隴縱橫石渡溪濯纓
江漢潤抒秀麥田齊吊古人如見風光欲破迷

前題次韻

秦中傅應詔

乾坤留勝跡我輩此攀躋座據浮濱石觴流瀑布溪曳林
蟬響急振羽鶴飛齊何處岷峨是烟霄望欲迷

題涪翁洞二首

鄭濬

卓犖如翁負重名豈期遷謫了平生試看今日流芳遠猶
想當年正氣橫怪石有題苔未剝行祠無恙酒還傾奸雄
地下應知否天理民彝萬古情

滄洞逶迤趣本清懸巖猶有筆縱橫昔年遠竄渾如夢萬
古豐碑凜若生入戶星山朝夕翠忘機幽鳥去來鳴斯文
道義乾坤久紹聖於今世幾更

武侯祠

按此祠乃胡公守紱時覆建者正德丁丑
整飭松潘兵事辛巳歸過登拜賦此

胡 澧 節菴

松潘事了得投閑過拜公祠仰道顏俯首拜公無別語平
生無用只平蠻

遊流杯池

張德地

朔氣馬頭催尋幽特地來觴流隨水轉石壁自天開鳥訝
遊人至雲橫遠岫廻寒花生曲徑衰草遍高臺壁立題黃
絹樽前布綠苔啣杯 日簫管蓬萊

遊流杯池

李春先

誰將怪石闢爲門引入烟霞勢欲吞
水有源頭通玉液人從谷口泛金樽
坐間羅綺山荏簇席上笙簧鳥語喧
曲折勸酬情不盡喜看明月轉江村

題石牛

李春先

片石依雲化作牛且來雄飲上池頭
梵王法力通三界丙吉無勞爲國憂

牛口發舟泊貞溪聊述所歷

尹伸

江行每娛心十七在崖岸以茲取沂流
耳目精於漫一嶺方百里削成獨南面
霽雨夏來多懸淙不可斷短者能數